

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ

ՄԱՍՆԱՃՅՈՒՂԻ ԳԻՏԱԿԱՆ ԽՈՐՀՐԴԻ

ՈՐՈՇՈՒՄ N 80/2

29-ը մարտի 2025 թվականի

«Երևանի պետական համալսարան» հիմնադրամի Իջևանի մասնաճյուղի գիտական խորհրդի **2024թ. մարտի 16-ի նիստի թիվ 72/7 որոշմամբ** հաստատված «Երևանի պետական համալսարան» հիմնադրամի Իջևանի մասնաճյուղում «Դասավանդման գերազանցության մրցանակ» ամենամյա մրցույթի կազմակերպման և անցկացման կարգում փոփոխություններ կատարելու մասին

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 5-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 5-րդ ենթակետով «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. «Երևանի պետական համալսարան» հիմնադրամի Իջևանի մասնաճյուղի գիտական խորհրդի **2024թ. մարտի 16-ի նիստի թիվ 72/7 որոշմամբ** հաստատված «Երևանի պետական համալսարան» հիմնադրամի Իջևանի մասնաճյուղում «Դասավանդման գերազանցության մրցանակ» ամենամյա մրցույթի կազմակերպման և անցկացման կարգի 3-րդ մասի (ՄՐՑՈՒՅԹԻ ՄԱՍՆԱԿԻՑՆԵՐԻ ԱՌԱՋԱԴՐՄԱՆ ԿԱՐԳԸ) 21.-րդ կետում՝ (Մրցույթին մասնակցելու համար դասախոսները Հանձնաժողովին են ներկայացնում հետևյալ փաստաթղթերը) ավելացնել 11-րդ ենթակետ.

11.ընթացիկ ուսումնական տարում իրականացրած առնվազն երկու ակնարկային/թեմատիկ դասախոսությունների վերաբերյալ տեղեկանք
Ուսումնամեթոդական վարչության կողմից:

2. Որոշումն ուժի մեջ է մտնում ընդունման և հրապարակման պահից:

ԵՊՀ ԻՄ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝ _____ Մ. Մ. ՕԹԱՐՅԱՆ

Հավելված

Հաստատված է

ԵՊՀ ԻՄ-ի գիտական խորհրդի

2024թ. մարտի 16-ի նիստի թիվ 72/7 որոշմամբ

ԵՊՀ ԻՄ-ի գիտական խորհրդի նախագահ _____ Ս. Մ. ՕԹԱՐՅԱՆ

ԿԱՐԳ

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ

ՄԱՍՆԱՃՅՈՒՂՈՒՄ «ԴԱՍԱՎԱՆԴՄԱՆ ԳԵՐԱԶԱՆՑՈՒԹՅԱՆ

ՄՐՑԱՆԱԿ» ԱՄԵՆԱՄՅԱ ՄՐՑՈՒՅԹԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ

(3 –մասի 21-րդ կետի 11-րդ ենթակետը ավելացվել է ԵՊՀ ԻՄ գիտական խորհրդի 2025թ. մարտի 29-ին հարցման միջոցով անցկացված նիստի 80/2 որոշմամբ)

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում է «Երևանի պետական համալսարան» հիմնադրամի Իջևանի մասնաճյուղում «Դասավանդման գերազանցության մրցանակ» ամենամյա մրցույթի (այսուհետ՝ Մրցույթ) կազմակերպման և անցկացման կարգը, որի նպատակն է նպաստել դասավանդման մեթոդների կատարելագործմանը, արդի մեթոդների կիրառմանը և լավագույն փորձի տարածմանը:

2. Սույն կարգը մշակված է «Կրթության մասին», «Բարձրագույն և հետբուհական մասնագիտական կրթության մասին» ՀՀ օրենքների, ԵՊՀ և ԵՊՀ ԻՄ-ի կանոնադրությունների, ԵՊՀ համապատասխան կարգի, ԵՊՀ ԻՄ-ի 2022-2026 զարգացման ռազմավարական ծրագրի, Կրթության բնագավառում ԵՊՀ ԻՄ քաղաքականության հիման վրա:

2. ՄՐՑՈՒՅԹԻ ԿԱԶՄԱԿԵՐՊՄԱՆ ԿԱՐԳԸ

3. Մրցույթը կազմակերպվում և անցկացվում է տարեկան մեկ անգամ:
4. Մրցույթն անց է կացվում 4 անվանակարգերում.
 - 1) «Կիրառական արվեստ» (մասնակից ստորաբաժանում՝ Կիրառական արվեստի ֆակուլտետ) մասնագիտությունների անվանակարգ՝ 1 մրցանակ,
 - 2) «Բնական գիտություններ» (մասնակից ստորաբաժանում՝ Բնական գիտությունների ֆակուլտետ) մասնագիտությունների անվանակարգ՝ 1 մրցանակ,
 - 3) «Հումանիտար գիտություններ» (մասնակից ստորաբաժանում՝ Հումանիտար գիտությունների ֆակուլտետ) մասնագիտությունների անվանակարգ՝ 1 մրցանակ,
 - 4) «Տնտեսագիտություն» (մասնակից ստորաբաժանում՝ Տնտեսագիտության ֆակուլտետ) մասնագիտությունների անվանակարգ՝ 1 մրցանակ:
5. «Երևանի պետական համալսարան» հիմնադրամի Իջևանի մասնաճյուղում «Դասավանդման գերազանցության մրցանակ» ամենամյա մրցույթի հաղթող համարվում է այն անձը, ով վերոնշյալ 1-4 անվանակարգերում մրցանակակիր է ճանաչվել ամենաբարձր միավորներով:
6. Յուրաքանչյուր անվանակարգում մրցույթ անցկացնելու և մրցանակակիրին ընտրելու համար ձևավորվում է առանձին մասնագիտական մրցութային հանձնաժողով (այսուհետ՝ Հանձնաժողով):
7. Մրցութին կարող են մասնակցել ԵՊՀ ԻՄ-ում դասավանդողները, ովքեր տվյալ ուսումնական տարվա ընթացքում ԵՊՀ ԻՄ-ում դասավանդում են առնվազն 2 մասնագիտական դասընթաց: Հանձնաժողովի անդամները և նախորդ տարվա հաղթող ճանաչված դասախոսները մրցութին մասնակցել չեն կարող:
8. Մրցույթն ունի երկու բաղադրիչ՝ մրցանակակիրների ընտրություն և դասընթացների տեսաձայնագրում՝ լավագույն փորձի տարածման նպատակով:

- 1) մրցանակակիրների ընտրությունն իրականացվում է մրցութային ուսումնական տարվա մայիսի վերջին տասնօրյակում՝ մրցույթի արդյունքների հիման վրա,
- 2) տեսաձայնագրումն իրականացվում է մրցութային ուստարվան հաջորդող ուսումնական տարում՝ մրցանակակրի կողմից առաջարկված մեկ մոդուլի համար:

3. ՄՐՑՈՒԹԱՅԻՆ ՀԱՆՁՆԱԺՈՂՈՎՆԵՐԻ ԿԱԶՄԸ ԵՎ ԳՈՐԾՈՒՆԵՈՒԹՅԱՆ ԿԱՐԳԸ

9. Յուրաքանչյուր անվանակարգում մրցանակակրին ընտրելու նպատակով ձևավորվում է առանձին հանձնաժողով, որի կազմը (յոթ հոգի) հաստատվում է ԵՊՀ ԻՄ տնօրենի հրամանով՝ ֆակուլտետի գիտական խորհրդի ներկայացմամբ:

10. Մրցույթի մասնակիցների (թեկնածուների) առաջադրման, մրցանակակրի ընտրության և այլ կազմակերպական աշխատանքների կատարման նպատակով Հանձնաժողովը հրավիրում է նիստեր: Հանձնաժողովի նիստն իրավագոր է, եթե դրան մասնակցում են անդամների ընդհանուր թվի առնվազն 2/3-ը: Հանձնաժողովի որոշումներն ընդունվում են նիստին ներկա անդամների ձայների պարզ մեծամասնությամբ:

11. Հանձնաժողովի անդամները հանձնաժողովի հերթական նիստի հրավիրման մասին տեղեկացվում են ոչ ուշ, քան երեք աշխատանքային օր առաջ, իսկ արտահերթ նիստի հրավիրման մասին՝ ոչ ուշ, քան մեկ աշխատանքային օր առաջ:

12. Հանձնաժողովի նիստերի հրավիրման մասին Հանձնաժողովի անդամները տեղեկացվում են հեռախոսով և էլեկտրոնային հաղորդագրությամբ: Անհնարության դեպքում Հանձնաժողովի անդամը(անդամները) նիստին կարող են մասնակցել հեռավար: Հանձնաժողովի բոլոր նիստերն արձանագրվում են:

13. Մրցանակակրի վերաբերյալ հանձնաժողովի որոշումները մինչև մրցանակաբաշխության անցկացման օրը ենթակա չեն հրապարակման:

14. Իր գործունեությունն արդյունավետ իրականացնելու նպատակով Հանձնաժողովն իրավասու է կատարելու դասալսույններ և Հանձնաժողովի

աշխատանքներում ներգրավելու փորձագետներ:

15. Հանձնաժողովը դասալսումներն իրականացնում է մրցույթին մասնակցող թեկնածուի համար չնախատեսված կերպով: Դասալսումները և դրանց վերլուծությունները տեղի են ունենում ըստ Հավելված 1-ում ներկայացված դասի գնահատման հարցաթերթի և դասալսման արդյունքների:

16. Թեկնածուները գնահատվում են 100 միավորանոց համակարգով՝ Աղյուսակ 1-ում ներկայացված չափանիշներին համապատասխան, որոնց համամասնությունները որոշվում են տնօրենի հրամանով:

Աղյուսակ 1

<i>Գնահատման չափանիշներ</i>	<i>Միավոր</i>
Ուսումնական տարվա ընթացքում դասավանդվող դասընթացների համար ուսանողների գնահատականները	
Ժամանակակից դասավանդման մեթոդների օգտագործում	
Դասալսումների արդյունքներ	
Ուսումնամեթոդական ձեռնարկներ	

17. Մրցույթի արդյունքներով Հանձնաժողովը կայացնում է հետևյալ որոշումներից մեկը.

ա) տրված անվանակարգում մրցանակակիր ճանաչելու և մրցանակը շնորհելու մասին,

բ) մրցանակակիր չճանաչելու մասին¹,

18. Ներկայացված բոլոր դիմում-հայտերը մերժվելու դեպքում Հանձնաժողովն ընդունում է մրցույթը չկայացած համարելու մասին որոշում:

3. ՄՐՑՈՒՅԹԻ ՄԱՍՆԱԿԻՑՆԵՐԻ ԱՌԱՋԱԴՐՄԱՆ ԿԱՐԳԸ

19. Մրցույթի անցկացման պայմանների և թեկնածուների առաջադրման մասին

¹ Աղյուսակ 1-ում սահմանված գնահատման սանդղակի 80 տոկոսը չապահովվելու դեպքում:

տեղեկատվությունը Հանձնաժողովը հայտարարում է մինչև ընթացիկ ուսումնական տարվա ապրիլի 1-ը: Թեկնածուների առաջադրումն իրականացվում է համապատասխան հայտերի միջոցով՝ էլեկտրոնային (առցանց) ձևաչափով (դիմում-հայտի ձևը հաստատվում է Հանձնաժողովի կողմից):

Հայտերի ներկայացման համար տրվում է մեկ ամիս ժամանակ:

20. Մրցույթին մասնակցելու համար դասախոսները Հանձնաժողովին են ներկայացնում հետևյալ փաստաթղթերը.

- 1) դիմում-հայտ,
- 2) ինքնակենսագրություն (CV),
- 3) ընթացիկ ուսումնական տարում դասավանդվող դասընթացների ցանկ՝ հաստատված ամբիոնի վարիչի կողմից,
- 4) լսարանային գործունեության օրինակներ՝ ակտիվ ուսուցման և նորարարական մեթոդների օգտագործմամբ, ինչպես նաև առնվազն մեկ տեսաձայնագրված դասախոսության օրինակ,
- 5) ուսումնական տարվա ընթացքում դասավանդվող դասընթացների համար ուսանողների գնահատականները՝ որպես հետադարձ կապի արդյունքներ,
- 6) դասընթացի ընթացքում ուսանողների կողմից ներկայացված աշխատանքների օրինակներ (առկայության դեպքում),
- 7) դեկանի կամ ամբիոնի վարիչի կողմից աջակցության նամակ,
- 8) վերջին 5 տարվա ընթացքում դասավանդվող առարկաների թեմաների վերաբերյալ գիտահետազոտական և ուսումնամեթոդական աշխատանքներ (առկայության դեպքում),
- 9) վերջին 2 տարվա ընթացքում թեկնածուի դասերին մասնակցած ուսանողների աջակցության նամակ(ներ) (առկայության դեպքում),
- 10) ընթացիկ ուսումնական տարում դասավանդվող առնվազն երկու դասընթացների նյութեր՝ տեղադրված «E-learning» հարթակում:

11) { 11)-րդ ենթակետը ավելացվել է ԵՊՀ ԻՄ գիտական խորհրդի 2025թ. մարտի 29-ին հարցման միջոցով անցկացված նիստի 80/2 որոշմամբ} ընթացիկ ուսումնական տարում իրականացրած առնվազն երկու ակնարկային/թեմատիկ դասախոսությունների վերաբերյալ տեղեկանք Ուսումնամեթոդական վարչության կողմից:

21. Եթե մրցույթի մասնակիցը ներկայացրել է թերի կամ ոչ լիարժեք փաստաթղթեր, ապա Հանձնաժողովը տրամադրում է երկու աշխատանքային օր՝ թերությունները շտկելու և դիմումը կրկին ներկայացնելու համար: Եթե մրցույթի մասնակիցը նշված ժամկետում ներկայացնում է ճշգրտված փաստաթղթերը, ապա դիմումը համարվում է ընդունված սկզբնական ներկայացման օրը: Եթե մրցույթի մասնակիցը նշված ժամկետում չի շտկում թերությունները և կրկին չի ներկայացնում դիմումը կամ ներկայացնում է թերությունները չշտկված, ապա նրա դիմում-հայտը համարվում է մերժված:

4. ՄՐՑԱՆԱԿԱԲԱՇԽՈՒԹՅԱՆ ԿԱԶՄԱԿԵՐՊՈՒՄԸ ԵՎ ՄՐՑԱՆԱԿՆԵՐԻ ՀԱՆՁՆՈՒՄԸ

22. Մրցանակակիրների պարգևատրումը կատարվում է մրցանակաբաշխության արարողության ընթացքում:

23. 1-4 կետերով մրցանակակիրներից երեքին տրվում է հավաստագիր և պարգևատրում 100.000 ՀՀ դրամի չափով, ներառյալ ՀՀ օրենսդրությամբ նախատեսված հարկերը, իսկ «Երևանի պետական համալսարան» հիմնադրամի Իջևանի մասնաճյուղում «Դասավանդման գերազանցության մրցանակ» ամենամյա մրցույթի հաղթողին՝ հավաստագիր և պարգևատրում 300.000 ՀՀ դրամի չափով, ներառյալ ՀՀ օրենսդրությամբ նախատեսված հարկերը:

24. Մրցանակակիրները հնարավորություն ունեն տեսաձայնագրել մեկ կրթական մոդուլ, որի կատարման դեպքում յուրաքանչյուրին վճարվում է պարգևատրում՝ 1 000 000 ՀՀ դրամի չափով՝ ներառյալ ՀՀ օրենսդրությամբ նախատեսված հարկերը:

5. ԿԱՐԳԻ ՀԱՍՏԱՏՈՒՄԸ ԵՎ ՆՐԱՆՈՒՄ ՓՈՓՈԽՈՒԹՅՈՒՆՆԵՐԻ

ԻՐԱԿԱՆԱՑՈՒՄԸ

25. Սույն կարգը հաստատում է ԵՊՀ Իջևանի մասնաճյուղի գիտական խորհուրդը:

26. Կարգում փոփոխություններ և լրացումներ կարող են կատարվել մասնաճյուղի գիտական խորհրդի որոշմամբ.

- 1) տնօրենի,
- 2) գիտական խորհրդի անդամների,
- 3) գիտական խորհրդին կից որակի կառավարման մշտական հանձնաժողովի առաջարկությամբ:

Հավելված 1

ԴԱՍԻ ԳՆԱՀԱՏՄԱՆ ՀԱՐՑԱԹԵՐԹ

Դասախոս _____

Դասընթացի անվանումը _____

Ուստարի _____

Դասալսող/ներ/ _____

Ուսանողների քանակ _____

Ամսաթիվ _____/_____/_____

Գնահատման սանդղակ.

- 4— իրականացվել է գերազանց,
- 3— իրականացվել է լավ,
- 2— իրականացվել է որոշակիորեն,
- 1— իրականացվել է ոչ այդքան լավ,
- 0— չի դիտվել/դժվար է գնահատել:

	Դիտման ասպեկտները	Գնահատական				
1. Նախաբան և կողմնորոշում						
1.	Բացատրում է նյութի նպատակն ու խնդիրները	4	3	2	1	0
2.	Ներկայացնում է նախորդ նյութի հետ կապը	4	3	2	1	0
3.	Բացատրում է առարկայի դասընթացի մեջ տվյալ նյութի տեղը	4	3	2	1	0
2. Ուսանողների ներգրավվածություն.						
4.	Հարց է տալիս և սպասում պատասխանի	4	3	2	1	0
5.	Համակարգում և ուղղորդում է քննարկումը	4	3	2	1	0
6.	Առաջարկում է ուսանողներին մասնակցել հարցի քննարկմանը	4	3	2	1	0

3. Վերաբերմունք					
7.	Ոգևորված է առարկայով դասընթացով	4	3	2	1 0
8.	Ուսանողների մոտ հետաքրքրություն է առաջացնում առարկայի դասընթացի հանդեպ	4	3	2	1 0
9.	Ուսանողների հետ կապն անմիջական է և հարգալից	4	3	2	1 0
4. Դասավանդման մեթոդ					
10.	Օգտագործում է տեսաձայնագրված նյութ (օր.՝ օր/ամ/տ), ուսումնաօժանդակ նյութեր, սարքեր	4	3	2	1 0
11.	Կիրառում է դասավանդման տարբեր մեթոդներ, որոնց շնորհիվ հասնում է իր նպատակին	4	3	2	1 0
12.	Շեշտադրում է նյութի հատվածների միջև անցումները	4	3	2	1 0
13.	Շեշտադրում է գլխավորը, հիմնարարը	4	3	2	1 0
14.	Բացատրում է հստակ և համոզիչ	4	3	2	1 0
15.	Կիրառում է կոնկրետ և պրակտիկ օրինակներ	4	3	2	1 0
16.	Հանձնարարված ինքնուրույն աշխատանքի նյութերը սերտորեն կապակցված են մատուցված նյութի հետ	4	3	2	1 0
17.	Ունի ձևավորված խոսքի մշակույթ	4	3	2	1 0
5. Ամփոփում					
18.	Դասն ամփոփում է և անում եզրահանգումներ	4	3	2	1 0
19.	Պատասխանում է հարցերին	4	3	2	1 0
20.	Լսարան է մտնում և դասն ավարտում է ժամանակին	4	3	2	1 0

Լրացուցիչ մեկնաբանություններ